

Ordinaziun davart las soluziuns transitoricas en il chantun Grischun

sa basond sin l'art. 45 da la constituziun chantunala ¹⁾

relaschada da la regenza ils 12 d'avust 2008

I. En general

Art. 1

¹ Cun purschidas differenziadas han soluziuns transitoricas da preparar giuvenils che han differentas furmaziuns preliminaras per in'entrada cun success en il mund professiunal. Finamira ed incumbensa

² Per cuntanscher questa finamira profundeschan, consolideschan e amplifitgeschan las soluziuns transitoricas quellas cumpetenzas dals giuvenils che vegnan instruidas en la scola populara.

Art. 2

La soluziun transitorica da scola intermediessa ina instrucziun teoretica e pratica che cumpiglia ina furmaziun generala sco er ina instrucziun preparatorica per la professiun. Ella sa drizza a giuvenils che vulan consolidar e profundar lur abilitads da scola ed als sustegna en il process da chattar ina professiun. Profils
1. soluziun transitorica da scola

Art. 3

¹ La soluziun transitorica cumbinata porscha activitads praticas en manaschis e dat ina instrucziun teoretica e pratica en furmaziun generala. Ella sa drizza a giuvenils che vulan survegnir ina invista pli profunda d'in u da plirs champs da professiun. 2. soluziun transitorica cumbinata

² L'instrucziun en la soluziun transitorica cumbinata po vegnir purschida en furma da singuls dis u en blocs emnils. Las purschidas ed ils purschiders da soluziuns transitoricas cumbinadas èn responsabels ch'i stettian a disposiziun avunda plazzas da praticum adattadas.

Art. 4

La soluziun transitorica integrativa porscha ina instrucziun teoretica e pratica che cumpiglia ina furmaziun generala sco er ina instrucziun preparatorica per la professiun, mettend in accent spezial sin la promoziun 3. soluziun transitorica integrativa

¹⁾ DG 110.100

da las cumpetenzas linguisticas e da las cumpetenzas socialas. Ella sa drizza a giuvenils che dovran sustegn per chattar ina professiun e per s'integrar en la societad.

II. Organisaziun

Art. 5

Program
d'instrucziun

¹ L'instrucziun en las soluziuns transitoricas sto vegnir dada en classas. Ella po vegnir cumplettada d'ina instrucziun en gruppas da nivel u sco instrucziun en gruppa cun differents accents tematics.

² L'instrucziun da scola en las soluziuns transitoricas cumpiglia primarmain ils champs da furmaziun "linguas" e "matematica". Supplementarmain vegn porschida ina instrucziun en ils suandants champs da furmaziun: scienzas naturalas, scienzas socialas ed umanas, roms artistics, sport e sanadad, cumpetenzas interdisciplinaras ed interprofessionalas. Tut tenor il profil ston ils accents dals champs da furmaziun vegnir fixads en il rom da las incaricas da prestaziun.

Art. 6

Premissas per
conceder ina
incarica da
prestaziun

Contracts da basa e contracts annuals pon vegnir concedids, sche:

- a) la soluziun transitorica cumpiglia 40 emnas entaifer in onn da scola e minimalmain 40 fin maximalmain 45 uras d'emprender assistidas per emna. La repartiziun da las uras d'emprender sin ils differents champs da furmaziun respectivamain sin la quota da praticums è reglada en las incaricas da prestaziun;
- b) las personas d'instrucziun possedan ina scolaziun che las permetta d'instruir almain sin il stgalim secundar I;
- c) almain ina persuna d'instrucziun posseda la scolaziun sco persuna d'instrucziun da tschernia da professiun.

Art. 7

Attribuziun da
profils

La regenza fixescha en ils contracts da basa – suenter avair tadlà las porschidas ed ils porschiders – tge profils da soluziuns transitoricas che vegnan porschids a tge lieus da scolaziun.

III. Disposiziuns finalas

Art. 8

Aboliziun dal
dretg vertent

L'ordinaziun davart la renconuschientscha d'instituziuns per la scolaziun preprofessionala dals 2 da fanadur 1996¹⁾ vegn abolida.

¹⁾ CUL 1996, 3638, CUL 1998, 4204, CUL 2001, FUC 2441; DG 430.030

Art. 9

Questa ordinaziun entra en vigur il 1. da schaner 2009.

Entrada en vigur